

A D L E C T O R E M.

**E**T si philosophiae studiū ab omnibus mortalibus, qui ratione uigent, summo animi desyderio, mira que cordis uoluptate appetatur: quippe quod cæteris hominum studijs, tum perfectione, tum nobilitate præstat: plurimi tamen ab eius inquisitione, ob librorum in quibus traditur obscuritatem, atque prolixitatem, nec non innumerarum pene opinionum diuersitatem, retrahuntur. Ne quis igitur, tam nobili, tamque utili exercitio, quod humanæ uitæ solarium censem, huiuscemodi occasione priuetur, en hocce opus cunctis offertur, in quo cum breuiissime, tum clarissime cuncta ferè, que ad utranque philosophiam spectant, naturalem scilicet ac moralem, precepta traduntur: unde Compendium totius philosophie inscribitur. Quod quidè à doctissimo viro, Hieronymo Sauonarola, familiæ predicatoriæ, primo editū, nec non ab eodem, ex summorum philosophorum libris extractum, deinceps à uiris etiam doctis omni cum diligentia castigatum, ac locupletatum, nunc primum pro communi studiosorum utilitate, est in lucem traditū. Et ne quid eius perfectioni deesset, sed omni ex parte consummatum haberetur, excusum est, cum annotationibus locorum in margine, unde sumptè sunt ipsius libri conclusiones, cunctæ postillula, pro ordinatis tuis libris, tuis librorum conclusionibus ad singulos eorundem. Accipe itaque candide lector munus oblatum, quod tibi, cunctisque literarum amatoribus, cum ad philosophica capienda, tum ad sacras literas perdiscendas, moresque humanos compendios, haud modicam facultatem præstabit. Nam ueluti enchiridion quoddam, solatiumque itineris, quo ad patrios lares tendimus, semper tibi, tum domi, tum fons præsto aderit. Vale.